

庶物類纂

石屬
自十三至十四

容

太政官文庫			
和書門	特別	三	一
類	號	二	三
函	番	四	五
架	冊	六	五

內閣文庫			
番號	和	32362	
冊數	465(136)		
函號	附	54	1

百内

共
廿六




A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale



© Kodak, 2007 TM: Kodak







唐物類纂石屬卷之十三目次

爐耳石


井泉石

無名異

蚤粟子


唐物類纂

石屬目次




爐井石

一名爐先生
土宿
本草



石屬 爐井石



爐甘石

爐火所重其味甘故名所在坑冶處皆有川蜀湘東最多而太原澤州陽城高平靈丘融縣及雲南者為勝金銀之苗也其塊大小不一狀似羊腦鬆如石脂亦粘舌產于金坑者其色微黃為上產於銀坑者其色白或帶青或帶綠或粉紅赤銅得之即變為黃今之黃銅皆此物點化也造化指南云爐甘石受黃金白銀之氣熏陶三十年方能結成大穢浸及砒黃過皆可點化不減三黃崔昉外丹本草云用銅一斤

博物類纂卷十三

石屬 爐甘石 二

爐甘石一斤鍊之即成鍮石一斤半非石中物取出

乎真鍮石生波斯如黃金燒之赤而不黑明李東璧本草綱目

機謹接近代鑄冶家專用倭鉛其方用爐甘石為

質詳見于倭鉛之條

周密癸辛雜識曰萬歲山大洞數十其洞中皆築以

雄黃及爐甘石雄黃則辟蛇蝎爐甘石則天陰能致

雲霧滄鬱如深山窮谷後因經官拆賣有回回者知

之因請買之凡得雄黃數千斤爐甘石數萬斤汴京遺蹟

志

爐甘石出太原澤州陽城高平靈丘本草註曰金銀

之苗也九天三清俱尊之曰爐先生李時珍曰爐火

所薰其味甘故名山西通志

盧甘石治在常歲鄉油榨巖久塞未採陽山縣志

機謹按享保辛亥三月到紅毛之旅舍而談及經

國之產物紅毛船長云前年到府時見惠一白石

携歸于本州而示其主官主官曰是難得藥也謂


之盍母德麼蕪爾育母發汗散熱治痰咳奇驗故

冠兄之姓氏于其石而謝德更乞一塊予即與之

其石陸奧州金坑中產之或云爐耳石也然燒試
之非是蓋一類也載籍中未覽其名

井泉石

石屬 井泉石




井泉石

井泉石大寒無毒主諸熱治眼腫痛解心藏熱結消
去腫毒及療小兒熱疳雀目青盲得大黃梔子治眼
臉腫得決明菊花療小兒眼疳生翳膜甚良亦治熱
嗽近道處處有之以出饒陽郡者為勝生田野間地
中穿地深丈餘得之形如土色圓方長短大小不等
內實而外則重重相疊採無時用之當細研為粉不
爾使人淋又有一種如薑石時人多指以為井泉石
者非是

新定○嘉祐
補註本草

井泉石生深州城西二十里劇家村地泉內深一丈許其石如土色圓方長短大小不等內實外圓作層重疊相交其性大寒無毒解心藏熱結消去腫毒及療小兒熱疳不拘時月採之本草性寒如井泉故名明李東璧本草綱目井泉石非出自井中也為其性寒能敗諸經積熱故也清何培元本草綱目類纂必讀

無名異



無名異

無名異小黑石子也桂林山中極多一包數百枚宋范

成大桂海虞衡志

熙寧中閣婆國使人入貢方物中有摩娑石一塊大如棗色微黃似花蓋又無名異一塊如蓮葯皆以金函貯之問其人真偽何以為驗使人云摩娑石有五
色石色雖不同皆姜黃汁磨之汁赤如丹砂者為真
無名異色黑如漆水磨之色如乳者為真廣州市舶
司依其言試之皆驗方以上聞世人蓄摩娑石無名

異頗多常患不能辨真偽小說及古方書如炮灸論之類亦有說者但其言多怪誕不近人情天聖中予伯父吏書新除明州章獻太后有旨令於船舶求此二物內出銀三百兩為價值如不足更許於州庫貼支終任求之竟不可得醫潘環家有白摩娑石色如糯米糍磨之亦有驗環以治中毒者得汁栗殼許入口即瘥宋沈存中補筆談○唐宋叢書

宋蘇軾物類相感志

燈剪用無名異塗之剪燈則燈自斷宋蘇軾物類相感志

無名異味甘平主金瘡折傷內損止痛生肌肉出大食國生於石上狀如黑石炭蕃人以油鍊如醫石嚼之如錫今附臣禹錫等謹按日華子云無名異無毒

嘉祐補註本草

無名異出大食國生於石上今廣州山石中及宜州南八里龍濟山中亦有之黑褐色大者如彈丸小者如墨石子採無時本經云味甘平主金瘡折傷內損生肌肉今云味鹹寒消腫毒癰疔與本經所說不同疑別是一種又嶺南人云有石無名異絕難得有草無名異彼人不甚貴重豈本經說者為石而今所有

者為草乎用時以醋磨塗傳所苦處又有婆娑石生
南海解一切毒其石綠色無斑點有金星磨之成乳
汁者為上胡人尤珍貴之以金裝飾作指彊帶之每
欲食及食罷輒含吮數四以防毒今人有得指面許
塊則價直百金人莫能辨但水磨消滴點雞冠熱血
當化成水乃真也俗謂之摩娑石本草
圖經
謨按海南人云有石無名異絕難得有草無名異彼
人不甚貴重豈本經說者為石而今所有者為草乎
明陳嘉謨
本草蒙筌

無名異庚詞也生川廣深山中而桂林極多一包數
百枚小黑石子也似蛇黃而色黑近處山中亦時有
之用以煮蟹殺腥氣煎煉桐油收水氣塗剪剪燈則
燈自斷也明李東璧
本草綱目
機謹按今藥肆所貨多形色闇紅如伏龍肝者非
真也本邦石見州產無名異此亦非真
按雷斅炮炙論序云無名止楚截指而似去甲毛雀
昉外丹本草云無名異陽石也昔人見山雞被網損
其足脫去啣一石摩其損處遂愈而去乃取其石埋

無名異
石屬
無名異
四

傷折大効人因傳之同上

修治火煨酒滓研末用以煮蟹殺腥氣煎桐油入少

許收水氣塗剪剪燈則燈自斷鷄血滴之即便化水

明倪朱謨本草彙言

按海南人云石無名異絕難得土無名異不甚貴重

豈本經說者為石今所有者為土乎用時以醋磨塗

患處明李中梓補藥性解

出大食國內今廣州宜生山谷石中大者若彈丸小

者如櫛栗又云小者如墨石子顏色黑褐嚼之錫甜鷄血滴之

即化為水○謨按海南人云有石無名異絕難得有

草無名異彼人不甚貴重豈本經說者為石而今所

有者為草乎○無名異小黑石子也桂林山中極多

一包數百枚明慎懋官華夷花木鳥獸珍玩考

無名異小黑石子價極賤明黃震黃氏日抄

無名異剪燈禦刀○磨無名異塗燈剪剪燈燈斷粵

獐以密粟塗臂置刀而擊之不傷密粟即無名異之

類小石外黃內黑入桐油去水氣則今之催乾也愚

按以刀直置臂上掙擊終不破皮此理耳贊寧云無

名異出西海州燒炭之下百木之精也一名藥木膠
胡人折雞脰磨酒沃之逡巡能行形如玉柳石而黑
輕真者安鹿子臍即生肉角一曰東海樹名多茄取
節煎膠是則無名異有石者木者

清鏡桐方氏浮山
此藏軒物理小識

蜜粟子

石屬

蜜粟子

蜜栗子

蜜栗子生川廣江浙金坑中狀如蛇黃而有刺上有
金線纏之色紫褐亦無名異之類也丹爐家采作五
金匱藥制三黃

明李東璧
本草綱目

庶物類纂石屬卷之十四目次

石鍾乳

石鍾乳

一名留公乳

名醫別錄

一名蘆石

同上

一名夏石

同上

一名虛中

吳普本草

一名鶯管石


本草綱目

一名黃石

砂論藥性

俗名脫客那各倭靈
ドケノコヲリ!
常陸州

本草綱目卷之十四
石屬
石鍾乳
一



石鍾乳

荆州清溪秀壁諸山山洞往往有乳窟窟中多玉泉
交流中有白蝙蝠大如鴉按仙經云蝙蝠一名仙鼠
千載之後體白如銀棲即倒懸蓋飲乳水而長生也

梁任昉
述異記

後魏孝文帝時諸王及貴臣多服石藥皆稱石發乃
有執者非富貴者亦云服石發熱時人多嫌其詐作
富貴體有一人於市門前卧宛轉稱熱衆人競看同
伴怪之報曰我石發同伴人曰君何時服石今得石

發曰我昨市米中有石食之今發衆人大笑自後少
有人稱患石發者唐侯白啟顏錄○說郛

吳錄地理志曰始安始陽有洞山山有穴如洞庭其
中生石鍾乳

唐書曰高李轉為太子右庶子上疏切陳得失特賜
鍾乳一劑曰卿進藥石之言故以藥石相報

列仙傳曰邛流煮石髓而服之謂之石鍾乳
水經曰大紅山巖嶂皆數百許入石門得穴穴上

素崖壁立非人迹所及穴中多鍾乳凝膏下垂望着

冰雪微津細液滴瀝不斷幽穴潛遠行者不極

又曰易水東經孔山山下有鍾乳穴穴出佳乳採者
揭水尋沙入穴里許

太山記曰山有鍾乳但不好耳

湘州記曰湘東陰山有黃坑山出鍾乳長沙湘鄉縣
出鍾乳季秋入穴六七里乃得

盛弘之荊州記曰天門郡出石鍾乳

永嘉記曰北山涯有洞穴有人嘗於此穴採鍾乳入
十餘日糧盡而穴不窮

劉道真錢塘記曰盧隱山北有穴旁入行數步有清
流水廣丈餘昔有人採鍾乳水際見異迹或云是龍
迹聞穴裏隆隆有聲便出不測所採近遠
范子計然曰石鍾乳出武都黃白者善以上太平御覽
鍾乳桂林接宜融山中洞穴至多勝連州遠甚余遊
洞親訪之仰視石脉湧起處即有乳牀如玉雪石液
融結所為也乳牀下垂如倒數峯小山峯端漸銳且
長如冰柱柱端輕薄中空如鴛管乳水滴漑未已且
滴且凝此乳之最精者以竹管仰盛折取之鍊治家

又以鴛管之端尤輕明如雲母瓜甲者為勝宋范成大桂海虞衡志

機謹按李東壁云鍾乳范成大桂海志所說甚詳
明

棲霞洞在七星山七星山者七峯位置如北斗又一
小峯在傍曰輔星石洞在山半腹入石門下行百餘
級得平地可坐數十人傍有兩路其一西行兩壁石
液凝沍玉雪晶瑩頂高數十丈路闊亦三四丈如行
通衢中頗足曳杖鏗然有聲如鼓鐘聲蓋洞之下又

蘇物類彙編卷十四 石屬 石鍾乳 四

有洞焉半里遇大壑不可進一路北行俯俛而入數步則寬廣兩傍十許丈鍾乳垂下累累凡乳牀必因石脉而出自頑石出也進里餘所見益奇又行食頃則多歧遊者恐迷途不敢進云通九疑山也同上廣連豐柳等山多鍾乳洞有石龜蟾蠃蝮及果蕨一一堅貞或顏色如生蓋因鍾乳石點化成石余頃年屢於洞中獲此數種攻之本載石蟹是尋常蟹生南海因年月深久深相着間化成石每遇海潮卽飄出又一般入洞穴年深亦然因鍾乳點化無疑宋杜

縮雲林
石譜

婺州金華縣智者三洞洞中產石巉岩如雪洞土間有縣石如鍾乳灰白嵌空頃余於洞土獲一石大如拳高數寸若二龍交尾纏戲鱗鬣爪甲悉備石之中有數竅因植溪蓀為好事者求去亦疑鍾乳點化所成又洞中有石鼓石磬擊之各有聲同上醫之為術苟非得之於心而恃書以為用者未見能臻其妙如朮能動鍾乳按乳石論曰服鍾乳當終身忌朮五石諸散用鍾乳為主復用朮理極相反不知

蘇州府志卷之四

石屬

石鐘乳

五

何謂予以問老醫皆莫能言其義按乳石論云石性
雖溫而體本沈重必待其相蒸薄然後發如此則服
石多者勢自能相蒸若更以藥觸之其發必甚五石
散雜以衆藥用石殊少勢不能蒸須藉外物激之令
發耳如火少必因風氣所鼓而後發火盛則鼓之反
為害此自然之理也故孫思邈云五石散大猛毒寧
食野葛不服五石遇此方即須焚之勿為含生之害
又曰人不服石庶事不佳石在身中萬事休泰唯不
可服五石散蓋以五石散聚其所惡激而用之其發

暴故也古人處方大體如此非此書所能盡也况方
書仍多偽雜如神農本草最為舊書其間差誤尤多
醫不可以不知也 宋沈存中
夢溪筆談
夏文莊性豪俊稟賦異於人纔睡即身冷而僵一如
逝者既覺須令人溫之良久方能動人有見其陸行
兩車相連載一物巍然問之乃綿帳也以數千兩綿
為之常服仙茅鍾乳硫黃莫知紀極晨朝每食鍾乳
粥有小吏竊食之遂發疽幾不可救 同上
服丹石不可食蛤蚧腹中結痛病 宋蘇軾物
類相感志

蘇物類志卷十四 石屬 石鍾乳 六

高敏之以鍾乳飼牛飲其乳後患血痢卒或以為冷

熱相激所致宋臨川江休復隣幾雜誌

高若訥能醫以鍾乳飼牛飲其乳後患血痢卒或云

冷煖相薄使然宋孔毅父談苑唐宋叢書

滁州趙使君云其女年甫周歲忽苦臟腑每所下如

雞子黃半盆許數日間幾至百往漸作驚風證一士

夫教以鍾乳粉二錢棗肉和搜令取意食之不然以

濃煎棗湯調服亦可以兒小只用一錢已平復矣傳

方者云它日或作少瘡瘍不足慮兒子清老年三歲

久瀉危甚用此法服至半兩効亦不生瘡宋王璆百一選方

唐太宗貞觀初高馮拜監察御史彈治不避權要累

轉中書舍人列上五事書奏太宗稱善進授太子右

庶子數上書言得失辭誠切至帝賜鍾乳一劑曰而

進藥石之言朕以藥石相報後為吏部侍郎善銓叙

人物帝賜金背鏡一况其清鑒焉唐書○集事淵海

陶隱居云第一出始興而江陵及東境名山石洞亦

皆有惟通中輕薄如鵝翎管碎之如瓜甲中無鴈齒

光明者為善長挺乃有一二尺者色黃以苦酒洗刷

則白仙經用之少而俗方所重亦甚貴唐本注云鍾乳第一始興其次廣連澧朗柳等州者雖厚而光潤可愛餌之並佳今峽州青溪房州三洞出者垂於始興自餘非其土地不可輕服多發淋渴止可搗篩白練裹之合諸藥草浸酒服之陶云鍾乳一二尺者謬說今按別本注云凡乳生於深洞幽穴皆龍蛇潛伏或龍蛇毒氣或洞口陰陽不勻或通風氣鴈齒澀或黃或赤乳無潤澤或其煎鍊火色不調一煎已後不湯水則生火毒即令服人發淋又乳有三種有石乳

竹乳茅山之乳石乳者以其山洞純石以石津相滋陰陽交備蟬翼文成謂為石乳竹乳者以其山洞徧生小竹以竹津相滋乳如竹狀謂為竹乳茅山之乳者山有土石相雜徧生茅草以茅津相滋為乳乳色稍黑而滑潤石乳性溫竹乳性平茅山之乳微寒一種之中有上中下色餘處亦有不可輕信凡乳光澤為好也臣禹錫等謹按吳氏云鍾乳一名虛中神農辛桐君黃帝醫和甘扁鵲甘無毒生山谷陰處岸下溜汁成如乳汁黃白色空中相通二月三月採陰乾

藥性論云鍾乳亦名黃石砂有大毒主泄精寒漱壯
元氣建益陽事能通聲忌羊血蕭炳云如蟬翅者上
瓜甲者次鵝管者下明白薄者可服日華子云補五
勞七傷通亮者為上更有蟬翼乳功亦同前凡將合
鎮駐藥須是一氣研七周時點末臂上便入肉不見
為度慮人歎即將鈴繫於槌柄上研常鳴為驗嘉祐
補注

草本

石鍾乳生少室山谷及泰山今道州江華縣及連英
韶階峽州山中皆有之生當穴陰處溜山液而成空

中相通長者六七寸如鵝翎管狀碎之如瓜甲中無
鴈齒光明者善色白微紅採無時舊說乳有三種有
石鍾乳者其山純石以石津相滋狀如蟬翼為石乳
石乳性溫有竹乳者其山多生篁竹以竹津相滋乳
如竹狀謂之竹乳竹乳性平有茅山之乳者其山上
石相雜徧生茅草以茅津相滋乳色稍黑而滑潤謂
之茅山之乳茅山之乳性微寒凡此三種尤難識別
而唐李補闕鍊鍾乳法云取韶州鍾乳無問厚薄但
令顏色明淨光澤者即堪入鍊惟黃赤二色不任用

唐物類彙編卷十四
柳宗元與崔連州論鍾乳書云取其色之美而已不必惟土之信是此藥所重惟明白者不必盡如上所說數種也今醫家但以鵝管中空者為最又本經中品載殷孽云鍾乳根也生趙國山谷又生梁山及南海又云孔公孽殷孽根也生梁山山谷又云石花石牀並與殷孽同陶隱居云凡鍾乳之類有三種同一體從石室上汁溜積久盤結者為鍾乳狀即此孔公孽也其次小巖穴者為殷孽今人呼為孔公孽殷孽復溜輕好者為鍾乳雖同一類而療體為異蘇恭

云二孽在上牀花在下陶謂孔公孽為乳牀非也又有石腦云亦鍾乳之類凡此五種今醫家稀復用之但用鍾乳耳又觀二孽所出州郡不同陶云三種同根而所出各處當是隨其土地為勝既云是鍾乳同生則有孽處皆當有乳今並不聞有之豈用之既寡則採者亦稀乎抑時人不知孽中有乳故不盡採乎不能盡究也下品又有土陰孽經云生高山崖上之陰色白如脂陶隱居以為鍾乳孔公孽孔公孽之類蘇恭云即土乳也出渭州生平地土窟中土人云服

之亦同鍾乳而不發熱又云是土之脂液狀如殷孽故名之今亦不見用者

圖經本草

石鍾乳蕭炳云如蟬翼爪甲者為上如鵝管者下經

既言乳今復不取乳此何義也蓋乳取性下不用如

鴈齒者謂如鳥頭附子不用尖角之義同但明白光

潤輕鬆色如鍊消石者佳服鍊別有法

宋寇宗奭本草衍義

石之津氣鍾聚成乳滴溜成石故名石鍾乳蘆與鷲

管象其空中之狀也

明李東璧本草綱目

石鍾乳乃陽明經氣分藥也其氣慄疾令陽氣暴充

飲食倍進而形體壯盛昧者得此自慶益肆淫汰精

氣暗損石氣獨存孤陽愈熾久之營衛不從發為淋

渴瘵為癰疽是果乳石之過耶抑人之自取耶凡人

陽明氣衰用此合諸藥以救其衰疾平則止夫何不

可五穀五肉久嗜不已猶有偏絕之弊况石藥乎種

樹書云凡果樹作穴納鍾乳末少許固密則子多而

味美納少許於老樹根皮間則樹復茂信然則鍾乳

益氣令人有子之說亦可類推但恐嗜欲者未獲其

福而先受其禍也然有秉賦異常之人又不可執一

而論張果醫說載武帥雷世賢多侍妾常餌砂母鍾乳日夜煎鍊以濟其欲其妾父苦寒世不嗜食求丹十粒服之即覺臍腹如火少焉熱狂投井中救出遍身發紫泡數日而死而世賢服餌千計了無病惱異哉沈括筆談載夏英公性豪侈而稟賦異於人纔睡即身冷而僵如死者常服仙茅鍾乳硫黃莫知紀極每晨以鍾乳粉入粥食之有小吏竊食遂發疽死此與終身服附子無恙者同一例也沈括又云醫之為術苟非得之于心未見能臻其妙也如服鍾乳當終

身忌术术能動鍾乳也然有藥勢不能蒸須要其動而激發者正如火少必借風氣鼓之而後發火盛則鼓之反為害此自然之理也凡服諸藥皆宜倣此又十便良方云凡服乳人服乳三日即三日補之服乳十日即十日補之欲飽食以牛羊麋鹿等骨煎汁任意作羹食之勿食倉米臭肉及犯房事一月後精氣滿盛百脉流通身體覺熱透臍肉起此為得力可稍近房事不可頻數令藥氣頓竭彌更害人戒之慎之名之為乳以其狀人之乳也與神丹相配與凡石迥

殊故稱乳石語云上士服石服其精下士服石服其
滓滓之與精其力遠也此說雖明快然須真病命門
火衰者宜之否則當審

明李東壁
本草綱目

石鍾乳始生少室山谷及泰山今道州江華縣及連
英韶階峽州山中皆有之生當穴陰處溜山液而成
空中相通長者六七寸如鸞翎管狀碎之如瓜甲中
無雁齒光明者善色白微紅采無時入水不沉係石
之津氣鍾聚成乳滴溜成石故名石鍾乳

明李中立
本草原始

藥性論云石之津氣鍾聚成乳滴溜成石故名又名

鸞管石者象其中空之狀也若蟬翅輕薄色白光潤
得此無問厚薄並佳儻如枯骨死灰色及黃赤二色
俱不堪用

明倪朱謨
本草彙言

酉陽雜俎曰昔有人遊南山乳洞洞深可數里乳泉
滴瀝成飛仙狀洞中已有數十處眉目衣服形製精
巧如天成一處滴至腰以上其人因以手承漱之後
經年再往見所承滴像已成矣乳不復滴當手承處
衣缺二寸不就

明彭大翼
山堂肆考

肇慶岩洞中石乳溢出結成人物之狀者甚衆其瀕


海處則有石，鱗石蛇之屬，首足尾甲皆具，而端溪之
可以為硯者，又往往五色成文，萬象皆具，宛若繪。臨
黎久未齋雜言。續說郭

出泰山及道韶峽州生，岩穴陰處溜山液而成，中空
相通，長者五六寸，如鵝翎管樣，有石竹茅山乳之別。
明徐炬明事物原始

石鍾乳，名山崑穴陰處溜液成，中空相通，長者六七
寸，如鵝翎管，碎之光潤，輕鬆如鍊，消石者佳。明鄧元錫函史
端午日，玄宗賜宰臣鍾乳，宋璟既拜而命醫人鍊之。

醫請將歸家，鍊子弟諫曰：「此乳珍異，他者不知，今付
之歸，恐招欺換，環誠之曰：『自隱尔心，然疑他心，耶伏
信示誠，猶恐不至，特有猜責，豈可得乎。』」唐新語。明陳耀文天中記

穆宗餌金石之藥，處士張臯上疏曰：「神慮澹則血氣
和，嗜慾勝則疾疹作，藥以攻疾，無疾不可餌也。昔孫
思邈有言：『藥勢有所偏，助令久藏，氣不平，借使有疾，
用藥猶須重慎，况無疾乎。』庶人尚爾，况天子乎。先帝
信方士妄言，餌藥致疾，此陛下所詳知也，豈得復循



其覆轍乎上善其言而求之不已

明陳仁錫
八編類纂

柳宗元零陵郡復乳穴記曰石鍾乳餌之最良者也楚越之山多產焉于連于韶者獨名於世連之人告盡焉者五載矣以貢則買諸他部今刺史崔公至逾月穴人來以乳復告邦人悅是祥也雜然謠曰毗之熙熙崔公之來公化所徹土石蒙烈以為不信起視乳穴穴人笑之曰是惡知所謂祥耶嚮吾以刺史之貪疾嗜利徒吾役而不吾貨也吾是以病而給焉今吾刺史令明而志潔先賴而後力欺誣屏息信順休

治吾以是誠告焉且夫乳穴必在深山窮林冰雪之所儲豺虎之所廬由而入者觸昏霧扞龍蛇束火以知其物縻繩以志其返其勤若是出又不得吾直吾用是安得不以盡告今令仁而乃誠吾告故也何祥之為士聞之曰謠者之祥也乃其所謂怪者也笑者之非祥也乃其所謂真祥者也君子之祥也以政不以怪誠乎物而信乎道人樂用命熙熙然以效其有斯其為政也而獨非祥也歟○臣若水通曰上下相與之際公而已矣上以公利之心感其下下以公利

之心應其上矣柳宗元鍾乳廢復之說得非在人情
間哉上苟以公不失民之利則利之歸於上必多故
曰未有上好仁而下不好義者也又曰未有義而後
其君者也故後之人君欲得天下之利必先公天下
之利則其為利也博矣

明湛若水聖學拾物通

鍾乳石取明潔長四五寸者中空光潤輕鬆為佳每
八兩用沉香藿香零陵甘鬆白茅各一兩以水煮過
一伏時漉出又甘草紫背天葵各二兩再煮一伏時
漉出拭乾緩火焙之搗篩仍用水飛澄以絹籠之晒

乾又研萬遍磁器收貯用若煉研不精服之令人成

淋明羅周彥醫宗粹言

鍾乳孔公孽皆石精所凝而相謂補陽愚嘗疑之兩
粵最多黎美周曰性溢而凝精合陽藥走下部故方
家用之服乳忌參朮謂未能動鍾乳也存中所載夏
英公與其小吏利害相反然哉江隣幾曰高敏之以

鍾乳飼牛而飲其乳後患血痢卒以鍾乳太溢也

中履曰黎美周遂球廣州孝廉丙戌與楊機部郭雲機萬
吉人姚有僕同度難有集行世○清皖桐方氏浮山
此藏軒物理小識

黃山疊嶂峰在雲際西高八百仞其形如嶂下有石

乳巖四季常滴石乳其白如雪俗呼滴水巖海內奇觀

石鍾乳本草茅山土石相雜乳色稍黑而滑潤謂之

茅山流性微寒茅山志

茅山乳其山之石鍾乳也因土石相雜色稍黑而滑

潤性微寒同上

玉桂洞中垂石乳圍直如柱周迴僅容盤旋同上

石鍾乳名醫別錄云石鍾乳生少室山谷本草註曰

凡乳生於深洞幽穴皆龍蛇潛伏石乳者其山洞純

石以石津相滋陰陽交備蟬翼紋成其性溫嵩書

鍾乳穴在少室東南穴中有鍾乳徑頭大一丈亦見

宋河南志賦云一丈之鍾乳兮可餐同上

象鼻峯在高峰塔南與獅子岩相對四面皆絕壁奇

峭中有石乳下垂宛如象鼻舊傳白猿玉瓶沉香三

寶藏此西天目山志

石鍾乳出泰山味甘溫無毒圖經云生岩穴陰處溜

山液而成空中相通長者六七寸如鵝翎管狀色白

微紅採無時舊說乳有三種有石鍾乳有竹乳有茅

乳唐李補闕鍊鍾乳注云鍾乳無問厚薄但顏色明
淨光澤者即堪入鍊惟黃赤二色不堪用山東通志

出少室山巖穴陰處圖經云溜山液而成空中相通
如鸞翎碎之如瓜甲以光明者為佳河南通志

石柱山縣北二十里一名天柱下有巖洞石乳融結
奇怪萬狀色如碧玉湖廣總志

雙鶴嶺妙因洞可容百人石乳凝結上如列星下如
鐘鼓擊之有聲又有如佛像牀榻者別有巖穴相通

泉清可酌名觀音池南安府志

石鍾乳出茅山本草云有茅山乳者其山土石相雜

徧生茅草以茅津相滋乳色稍黑而滑潤謂之茅山

乳性微寒江鎮府志

碧山縣東南二十五里石中最深處常有水滴多產

乳石乳源縣志

鍾乳巖縣北四里形如卧獅石穴中有石擊之有聲
出鍾乳粉舊入貢後韓雍御史以無益累民奏革同上

潭西巖在城北三十里南廂都深廣十餘丈洞中水
滴石乳多成人物鳥獸形清爽奇特甲於他洞人亦

多遊之陽春縣志

崆峒巖在城西約十里許南鄉都石壁穹窿半巖開一穴隙若洞門內深廣十餘丈分前後洞透光生明中擎二柱積累而高形極奇巧其覆處石之下懸若倒垂蓮猪肝肺狀者甚多懸處常有水滴風輕飄之宛若雪花繚亂而散下相傳凡上之下垂及下之累而高者皆係水滴凝成年久所至今於低處折其石果可研而為粉即稱石乳是也同上
廣教洞在縣北五十里東山傳云宋哲宗時有樵人

避雨洞外見小隙因鋤開其中虛敞如室者不一石乳所溜具人物花木乳龍鐘磬狀叩之有聲蓋亦神物所居昔人禱輒應石壁多宋元題詠剝落不可讀新喻縣志

石乳達摩峰左其石如乳垂者數水漑漑若乳落久旱不竭隆冬不凍多題詠昌黎縣志

嶠峪山在縣西七十里山趾有洞深約六七里中有池水深莫測不溢不涸產鍾乳石多肖物形黎城縣志
清音洞在杉溪之崆峒山高四丈中如堂可坐數十

人石乳凝注成形如人物花草無所不具中有泉流
出入於杉溪餘慶縣志


嵩巖香乳佛座西有嵩頭陀巖出乳香於石罅間以
手指捏之香經日不散黃檗寺志

鍾乳粉出乳源明初歲貢二十觔後乳戶襍和砂石
比他產更劣罷貢韶州府志

范成大曰桂林接宜融山洞中出遠勝連州凡石脉
涌處乳床融結下垂其端輕薄中空如鵝管水乳且

滴且結以竹管卽承折取此最精者廣西通志

石鍾乳出少室山巖穴陰處圖經云溜山液而成空
中相通如鷲翎碎之如瓜甲以光明者為佳河南通志
石鍾乳名醫別錄曰石鍾乳生少室山谷登封縣志



麻州集卷十四

